

ная. Взыдем, брате, на гору киевския, посмотрим славнаго Днепра и во всю землю рускую, иж жребие воздати на силу поганого царя Мома. Се бо есмо чада благородныя.

Потом же написахом жалост и похвалу великому Дмитрию Ивановичу и брату его князю Володимеру Андреевичу.

Снидем, брате, сынове руския, составим слово ко слову, возведем Рускую землю, понеже печал на восточную страну в сем жребие воздати победу поганому царю Момаю.

Говорил княз великий Дмитрей Иванович брату своему князю Володимеру Он<д>реевичу: скажи ми, (л. 37) брате, коли и мы словесы о похвалных сихъ о нынешних повестех а полкъ великого князя Дмитрия Ивановича и брата его князя Володимера Ан<д>реевича и правнукы Володимера Киевского. Нача повѣдати по делом былым. Не поразилися мысленными землями, помянем первых лет времена, похвал<им> вещаго горазда гудца. Тот бо де похвал вещи буиныя накладаетъ свои беляя руды но златыи струны, пояше руским князем похвалу: первому князю рускому на земли киевской Рурику, великому князю Володимеру Светославичу, великому князю Ерославу Володимеровичу. И здесь помянем Софония резанца, сего великого князя Дмитрея Ивановича и правнука святого князя Володимера киевского и брата его Володимера Андреевича, их же помянем и похвалим гуслями и песнями и буиными словесы, занюже отпало было мужество князем руским. От Колонныя роти лет 160 до Мамаева побоища.

Се бо идет княз великий Дмитрей Иванович и братъ его княз Володимер Андреевич, помолився богу и пречистой его матери, истезавше умы свои крепостею и поостри сердце свое мужеством и наполнися роснаго¹ духа и вставиша себе хибрия² полти ся руской, поменовыша прадида своего великого князя Володимера киевского.

А жаворо<но>къ лѣтъняя птица, красных дней втиха, возметы ж под сылныя небеса, посмарти³ ко славному городу Москви. А чи боре соколом (л. 37 об.) зонесет из земли Золеское в поле половецкое. Кони ирзуть на Москве, трубы трубят у Серпугове, бубны бубнят но Коламне, звинит слава по всей земли руской, чудно стези стояти у великого Дону на берези. Звонят вечныя колоколы у Великом Новгороде, стоят мужи новгородцы у святое Софей, рекут так: Уже нам, брате, не поспети на пособъ государю нашему великому князю Дмитрию Ивановичу и брату его князю Володимеру Андреевичу. Як тые слова измовили, а уже какъ орли слетишася, выехали посадники всѣ из Великого Новгорода 70 000 кованыя рати к великому Дмитрею Ивановичу, ко брату его князю Володимеру Андреевичу на пособъ ко славному граду Москве.

понятыя и потому искаженные переписчиком места сохраняются в их подлинном виде — таких искажений Синодальный список дает значительное количество.

¹ ратнаго

² храбрія

³ посматри